

全唐詩



全唐詩目 第五函

第七冊

崔元翰

獨孤良器

高崇文

羅珣

皇甫澈

張登

韋執中

邵真

何顛瑜

駱浚

羅讓 共一卷

陳京

韋渠牟

竇參

盧羣

韋臯

李愿

王智興

袁高

崔子向

張署

歸登 共一卷

朱放 一卷

武元衡 二卷

李吉甫

鄭綯

鄭餘慶

趙宗儒

用書

第五函第七冊

柳公綽

張正一

徐放

崔備

蕭祐

王良士

獨孤實

盧士政

于敖

皇甫鏞

共一卷

顏粲

徐敞

張聿

魏信陵

張正元

王履貞

彭伉

林藻

李觀

李絳

崔樞

陸復禮

李正辭

張嗣初

許康佐

許堯佐

李君房

杜羔

車鈞

共一卷

全唐詩

崔元翰

崔元翰名鵬以字行博陵人擢進士第一人又舉宏詞
歷官禮部員外知制誥終比部郎中集三十卷今存詩
七首

奉和聖製三日書懷因以示百寮

佳節上

一作尚

元已芳時屬暮春流觴想蘭亭捧劍傳金人

風輕水初綠日遲

一作晴

花更新天文信昭回皇道頗敷陳

恭已每從儉清心常保真戒茲遊行樂書以示羣臣

奉和聖製重陽旦日百寮曲江宴示懷

偶聖覩昌期受恩慙弱質幸逢良宴會況是清秋日遠

岫對壺觴澄瀾映簪紱炮羔備豐膳集鳳調鳴律薄劣
 厠英豪歡娛忘衰疾平臯行雁下曲渚雙鳧出沙岸菊
 開花霜枝果垂實天文見成象帝念資勤恤探道得玄
 珠齋心居特室豈如橫汾唱其事徒一作從驕逸

奉和聖製中元日題奉敬寺

妙道非本說殊途成異名聖人得其要俱以化羣生鳳
 吹從上苑龍宮連外城花鬢列後一作廣殿雲車駐前庭松
 竹含新秋一作韻軒窗有餘清緬懷崆峒事須繼簫管一作管聲
 離相境都寂忘言理更精域中信稱大天下乃為輕屈
 已由濟物堯心豈所榮

奉和登玄武樓觀射即事書懷賜孟涉應制

寧歲常有備殊方靡不賓禁營列武衛帝座彰威神講
事一臨幸加恩徧撫巡城高鳳樓聳場迥獸侯新飲羽
連百中控弦踰六鈞揀材盡爪士受任皆信臣光賞文
藻麗便繁心膺親復如觀太清昭爛垂芳辰

清明節郭侍御偶與李侍御孔校書王秀才遊
開化寺臥病不得同遊賦得十韻兼呈馮十八

郎丞公

山色入層城鍾聲臨複岫乘閑息邊事探異憐春候曲
閣下重階迴廊遙對雷石間花徧落草上雲時覆鑽火
見樵人飲泉逢野獸道情親法侶時望登朝右執憲糾
姦邪刊書正訛謬茂才當時選公子生人秀贈荅繼篇

章歡娛重朋舊垂簾獨衰疾擊缶酬金奏

雜言奉和聖製至承光院見自生藤感其得地

因以成詠應制

新藤正可翫得地又逢時羅生密葉交綠蔓欲布清陰
垂紫蕤已帶朝光暖猶含輕露滋遙依千華殿稍上萬
年枝餘芳連桂樹積潤傍蓮池豈如幽谷無人見空覆
荒榛雜兔絲聖心對此應有感隱迹如斯誰復知懷賢
勞永歎此物賦新詩聘丘園訪茅茨爲謝中林士王道
本無私

雨中對後簷叢竹

含風搖硯水帶雨拂牆衣乍似秋江上漁家半掩扉

獨孤良器

獨孤良器貞元中官右司郎中詩一首

賦得沈珠於泉

皎潔沈泉水熒煌照乘珠沈非將寶契還與不貪符風
折璿成浪空涵影似浮深看星并入靜向月同無光價
憐時重亡情信道樞不應無脛至自爲暗投珠

高崇文

高崇文字崇文其先自渤海徙幽州崇文少籍平盧軍
貞元中隨韓全義鎮長武城累官金吾將軍全義入覲
崇文掌行營節度留務憲宗朝拜東川節度使西蜀平
封南平郡王同中書門下平章事卒諡曰威武詩一首

雪席口占

崇文宗武不崇文提戈出塞號將軍
那箇髀兒射雁落
白毛空裏亂紛紛

羅珣一作炯

羅珣會稽人家於廬州貞元中刺本郡以治行聞再遷
京兆尹詩一首

行縣至浮查山寺

三十年前此布衣鹿鳴西上虎符歸
行時賓從過前寺
到處松杉長舊園
野老競遮官道拜
沙鷗遙避隼旗飛
春風一宿琉璃地
自有泉聲愜素機

皇甫澈一作澈

皇甫澈貞元中蜀州刺史詩四首

賦四相詩

并序

蜀州刺史廳壁記居相位者前後四公謨明弼諧遷
轉歷此顧已無取忝迹於斯景行遺烈嗟歎之不足
也謹述其行事詠其休美庶將來君子知聖朝之德

云爾

中書令漢陽王張柬之

周曆革元命天步值艱阻烈烈張漢陽左袒清諸武休
明神器正文物舊儀覩南向翊大君西宮朝聖母茂勳
鏤鐘鼎鴻勞食茅土至今稱五王卓立邁萬古

中書令鍾紹京

景龍仙駕遠中禁奸釁結謀猷叶聖朝披鱗奮英節青
宮闈闔啟滌穢氛沴滅紫氣重昭回皇天新日月從容
廟堂上肅穆人神悅唐元佐命功輝煥何烈烈

禮部尚書門下侍郎平章事李峴

時來遇明聖道濟寧邦國猗歟瑚璉器竭我股肱力進
賢黜不肖錯枉舉諸直宦官既却坐權奸一作監亦移職載
踐每若驚三已無愠色昭昭垂憲章來世實作則

門下侍郎平章事王縉

舟楫濟巨川山河資秀氣服膺究儒業屈指取高位北
征戮驕悍東守輯攜貳論道致巍巍持衡無事事知已
不易遇宰相固有器瞻事華壁中來者誰其嗣

張登

張登南陽人江南士椽滿歲計相表爲殿中侍御史董
賦江南俄拜漳州刺史集六卷今存詩七首

上已泛舟得遲字

令節推元已天涯喜有期初筵臨泛地舊俗被禳時枉
渚潮新上殘春日正遲竹枝遊女曲桃葉渡江詞風鷓
今方退沙鷗亦未疑且同山簡醉倒載莫褰帷

送王主簿遊南海

平生推久要留滯共三年明日東南路窮荒霧露天曠
懷常寄酒素業不言錢道在貧非病時來醜亦妍過山
乘蠟屐涉海附樓船行矣無爲恨宗門有大賢

重陽宴集同用寒字

錫宴逢佳節窮荒亦共歡恩深百日澤雨借九秋寒望
氣人謠洽臨風客以難座移山色在杯盡菊香殘欲識
投醪遍應從落帽看還宵須命燭舉首謝三官

仲秋夜郡內西亭對月

第七句
缺一字

天高月滿影悠悠一夜炎荒併覺秋氣與露清疑衆草
色如霜白怯輕裘高臨華宇還知隙靜映長江不共流
直西傾河漢曙遺風猶想武昌樓

冬至夜郡齋宴別前華陰盧主簿

并序
內缺一字

范陽盧君道漳以適越越人悅之稅車休徒三旬之
間然後飭行李之命時日南至登與賓客僚吏會別

於郡齋驪酒卜夜夜艾酒酣而不能自己故咸請詩
之由是探韻而賦賦不出志大抵感時傷遠又美盧
君擇其所從而惑 頌征南有奔走之德焉

虎宿方冬至雞人積夜籌相逢一尊酒共結兩鄉愁王
儉花爲府廬謀幄內璆明朝更臨水悵望嶺南流

小雪日戲題絕句

甲子徒推小雪天刺梧猶綠槿花然融和長養無時歇
却是炎洲雨露偏

招客遊寺

江城吏散捲

卷

春陰山寺鳴鐘隔雨深招取遺民赴僧

社竹堂分坐靜看心

句

孤高齊帝石蕭灑晉亭峰見漳州名勝志境曠窮山外城標漲

海頭

韋執中

韋執中京兆人河南縣令歷泉州刺史詩一首無和

陪韓退之實貽周同尋劉尊師不遇得師字

早尚逍遙境常懷汗漫期星郎同訪道羽客杳何之物

外求仙侶人間失我師不知柯爛者何處看圍碁

邵真

邵真成德軍李寶臣書記也寶臣子惟岳倚田悅拒命

真切諫不從兵敗召真議歸順悅遣扈來責惟岳懼

斬真以謝後王武俊表其忠贈戶部尚書詩一首

尋人偶題

日昃不復午落花難歸樹人生能幾何莫厭相逢遇

何頻瑜

何頻瑜建中中藍田尉詩一首

牆陰殘雪

積雪還因地牆陰久尚殘影添斜月白光借夕陽寒皎
潔開簾近清熒步履看狀花飛著樹如玉不成盤冰薄
方寧及霜濃此亦難誰憐高臥處歲暮歎袁安

駱浚

駱浚起家度支司書後嘗典州郡有令名詩一首

題度支雜事典庭中柏樹

語林云度支使見此詩語李吉甫因顯用

幹聳一條青玉直葉鋪千疊
綠雲低爭如燕雀偏巢此
却是鴛鴦不得棲

羅讓一作尚

羅讓字景宣迴之子少以文學知名舉進士宏辭賢良
方正皆高第歷尚書郎散騎常侍終江西觀察使集三
十卷今存詩二首

梢雪

一作曹松

殊質資靈貺凌空發瑞雲
梢梢含樹彩一作影郁郁動霞文
不比因風起全非觸石分
葉光閑泛濫枝杪靜氛氳
隱見心無宰裴回慶自君
翻飛如可託長願在橫汾

閏月定四時

月閏隨寒暑疇人定職司餘分將考日積算自成時律
候行宜表陰陽運不欺氣薰灰琯驗數扞卦辭推六律
文明序三年理暗移當知成功立唯是奉無私

五文未入一廟樂章

以德發聲以樂貴樂善名存道仙禮異鸞在拱修鳳

鳴人交神聽聖慈

董景年

漢書卷之九十八

詩集十條書並立無鍾千卷然字低字如燕雀傷巢此
却是驚鴻不待接

羅讓尚

羅讓字景宣通之二行以文場知名舉進士宏辭覽

一以高第歷尚書郎散騎常侍外江西觀察使集三

文即平三平野韶亦當映焄如立郵長奉無味

新行宜夷新題並不淇康薰太無劍樓什佳翰郵六華

民閨翻寒暑翻入玄輝后翁衣絲善日蘇真自丸甜華

閩月玄四和

全唐詩

陳京

陳京字慶復陳宣都王叔明五世孫擢進士第累遷太常博士擢右補闕與趙需張薦共劾盧杞終秘書少監詩一首

享文恭太子廟樂章

歌以德發聲以樂貴樂善名存追仙禮異鸞旌拱修鳳鳴合次神聽皇慈仲月皆至

韋渠牟

韋渠牟京兆萬年人少慧悟涉覽經史初爲道士後爲僧韓滉表試校書郎德宗誕日召之同佛老師講論大

義愛其辨博因奏七十詣詩旬日再轉右補闕內供奉
遷諫議大夫數召對奏事終太常卿詩集十卷今存二
十一首

步虛詞十九首

玉簡真人降金書道籙通煙霞方蔽日雲雨已生風四
極威儀異三天使命同那將人世戀不去上清宮

羽駕正翩翩雲鴻最自然霞冠將月曉珠珮與星連鏤
玉留新訣雕金得舊編不知飛鸞鶴更有幾人仙

上帝求仙使真符取玉郎三才閑布象二景鬱生光騎
吏排龍虎笙歌走鳳皇天高人不見暗入白雲鄉

鸞鶴共裴回仙官使者催香花三洞啟風雨百神來鳳

篆文初定龍泥印已開何須生羽翼始得上瑤臺
羽節忽排煙蘇君已得仙命風驅日月縮地走山川幾
處留丹竈何時種玉田一朝騎白虎直上紫微天
靜發降靈香思神意智長虎存時促步龍想更成章扣
齒風雷響挑燈日月光仙雲在何處髣髴滿空堂
幾度遊三洞何方召百神風雲皆守一龍虎亦全真執
節仙童小燒香玉女春應須絕巖內委曲問皇人
上法杳無營玄修似有情道宮瓊作想真帝玉爲名召
岳馳旌節驅雷發吏兵雲車降何處齋室有仙卿
羽衛一何鮮香雲起暮煙方朝太素帝更向玉清天鳳
曲凝猶吹龍驂儼欲前真文幾時降知在永和年

大道何年學真符此日催還持金作印未要玉爲臺羽
節分明授霞衣整頓裁應緣五雲使教上列仙來
獨自授金書蕭條詠紫虛龍行還當馬雲起自成車九
轉風煙合千年井竈餘參差從太一壽等混元初
道學已通神香花會女真霞牀珠斗帳金薦玉輿輪一
室心偏靜三天夜正春靈官竟誰降仙相有夫人
上界有黃房仙家道路長神來知位次樂變叶宮商競
把瑠璃盞都傾白玉粦霞衣最芬馥蘇合是靈香
珠佩紫霞纓夫人會八靈太霄猶有觀絕宅豈無形暮
雨裴回降仙歌宛轉聽誰逢玉妃輦應檢九真經
西海辭金母東方拜木公雲行疑帶雨星步欲凌風羽

袖揮丹鳳霞巾曳彩虹飄飄九霄外下視望仙宮

玉樹襍金花天河織女家月邀丹鳳鳥風送紫鸞車霧

縠籠綃帶雲屏列錦霞瑤臺千萬里不覺往來賒

此首一作吳筠詩

舞鳳凌天出歌麟入夜聽雲容衣眇眇風韻曲泠泠扣

齒端金簡焚香檢玉經仙宮知不遠祇近太微星

紫府與玄洲誰來物外遊無煩騎白鹿不用駕青牛金

化顏應駐雲飛鬢不秋仍聞碧海上更用玉爲樓

此首一作吳筠詩

鸞鶴復驂鸞全家去不難鷄聲隨羽化犬影入雲看釀

玉當成酒燒金且轉丹何妨五色綬次第給仙官

覽外生盧綸詩因以示此

衛玠清談性最強明時獨拜正員郎關心珠玉曾無價

滿手瓊瑤更有光謀略久叅花府盛才名常帶粉闈香
終期內殿聯詩句共汝朝天會柏梁

贈竇五判官

故舊相逢三兩家愛君兄弟有聲華文輝錦綵珠垂露
逸興江天綺散霞美玉自矜頻獻璞真金難與細披沙
終須撰取新詩品更比芙蓉出水花

竇參

竇參字時中岐州人以門蔭累官中丞德宗以爲宰相
後貶郴州別駕賜死詩三首

湖上閑居

一作閑居湖上

避影將息陰自然知音稀向來深林中偶亦有所窺飛

鳥口銜食引雛上高枝高枝但各有一一作但各子其子安知宜不宜

止止復何云物情何自私一作方可知

遷謫江表久未歸

一自經放逐衰回無所從便為寒一作出山雲不得隨飛龍

名豈不欲保歸豈不欲早苟一作苦無三月資難適千里道

離心與羈思終日常草草人生年幾齊憂苦即先老誰

能假羽翼使我暢懷抱

登潛山觀

山勢欲相抱一條微徑盤攀蘿歇復行始得凌仙壇聞

道葛夫子此中鍊還丹丹成五色光服之生羽翰靈草

空自綠餘霞誰共餐至今步虛處猶有孤飛鸞幽幽古

全唐詩 四
陳京卷
殿門下壓浮雲端萬丈水聲落四時松色寒既入無何
鄉轉嫌人事難終當遠塵俗高臥從所安

盧羣

盧羣字載初范陽人曹王臯節度江西奏爲判官入爲
監察御史累遷兵部郎中秘書監終天成軍節度使詩
一首

淮西席上醉歌

祥瑞不在鳳凰麒麟太平須得邊將忠臣衛霍眞誠奉
主貔虎十萬一身江河潛注意浪蠻貊欵塞無塵但得
百寮師長肝膽不用三軍羅綺金銀

韋臯

韋臯字城武武臣京兆人始仕為建陵挽郎張鎰節度鳳

翔署營田判官德宗狩奉天授隴州刺史置奉義軍拜

節度使帝自梁洋還召為左金吾衛將軍遷大將軍貞

元元年出為劍南西川節度使在蜀二十餘年封南康

郡王詩三首

天池晚櫂

雨霽天池生意足花間誰詠採蓮曲舟浮十里芰荷香

歌發一聲山水綠春暖魚拋水面綸晚晴鷺立波心玉

扣舷歸戴月黃昏直至更深不假燭

贈何遐第三句缺一字

腰間寶劍七星文掌上彎弓挂六鈞箭發雲雙鴈落

始知秦地有將軍

憶一作寄

玉簫

玉簫者江夏姜使君家青衣也。舉微時客于姜與之有情以玉指環及一詩遺之。訂後約久之玉簫鬱念成疾。

死姜以環著中指華焉。後舉鎮蜀生日東川獻歌姬亦名玉簫而貌正同。中指肉隱起如所著玉環時以為感舉意再生云。

黃雀銜來已數春，別時留解贈佳人。
長江不見魚書至，為遣相思夢入秦。

李愿

李愿隴右人，晟之子。以父勲拜太子賓客，終檢校司空河中節度詩二首。

觀翟玉妓

女郎閨閣春，抱瑟坐花茵。
艷粉宜斜燭，羞蛾慘向人。
寄情搖玉柱，流眄整羅巾。
幸以芳香袖，承君宛轉塵。

思婦

良人久不至惟恨錦屏孤顛顛衣寬日空房間女巫

王智興

王智興字匡諫懷州人起牙將自貞元至太和歷戰功

進位侍中封雁門郡王詩一首

徐州使院賦

長慶中智興為徐州節度一日從事於使院會飲賦詩智興召護軍俱至從事屏去翰墨智興曰適聞作

詩何獨見其而罷復以牋陳席上小吏亦置牋於智興前於是引毫立成云云四座驚嘆

三十年前老健兒剛被郎中遣作詩江南花柳從君詠

塞北煙塵我獨知

袁高

袁高字公願恕已之孫擢進士第建中中拜京畿觀察

使坐累貶韶州刺史復拜給事中憲宗時特贈禮部尚

書詩一首

茶山詩

禹貢通遠俗所一作始圖在安人後王失其本職吏不敢陳

亦有姦佞者因茲欲求伸動生千金費日使萬姓貧我

來顧渚源得與茶事親一作黎輟耕農耒一作黎采采一作採實苦

辛一夫旦當役盡室皆同臻捫葛上欹壁蓬頭入荒榛

終朝不盈掬手足皆鱗皴一作鱗悲嗟遍空山草木為不春

陰嶺芽未吐使者牒已頻心爭造化功走挺麋鹿均選

納無晝夜搗聲昏繼晨眾工何枯樞俯視彌傷神皇帝

尚巡狩東郊路多堙周迴遶天涯所獻愈艱勤况減兵

革困重茲固疲民未知供御餘誰合分此珍顧省忝
守又慙復因循茫茫滄海閭丹憤何由申

崔子向

崔子向貞元間為檢校監察御史後終南海從事詩三
首

送惟詳律師自越之義興

陽羨諸峰頂何曾異剌山雨晴人到寺木落夜開關
縫衲紗燈亮一作是看心錫杖閑西方知有社未得與師還

上鮑大夫房

行盡江南塞北時無人不誦鮑家詩東堂桂樹何年折
直至如今少一枝

題越王臺

越井崗頭松柏老
越王臺上生秋草
古木多年無子孫
牛羊一作野踐踏成官道

張署

張署河間人貞元中監察御史謫臨武令歷刑部郎度
禮二州刺史終河南令詩一首

贈韓退之

九疑峰畔二江前
戀闕思鄉日抵年
白簡趨朝曾竝命
蒼梧左宦一聯翩
鮫人遠泛漁舟水
鵬鳥閑飛露裏天
渙汗幾時流率土
扁舟西下共歸田

歸登

字冲之吳縣人崇敬之子貞元初策賢良爲右拾
遺轉右補闕起居舍人順宗爲皇太子登父子侍讀及
憲以東宮恩拜給事中遷工部侍郎復爲皇太子諸
王侍讀累進工部尚書卒謚曰憲詩一首

享惠昭太子廟樂章

請神

嘉薦旣陳祀事孔明間歌在堂萬舞在庭外則盡物內
則盡誠鳳笙如聞歌其潔精

願盡如願望

東山先生詩

東山先生詩

東山先生詩

東山先生詩

東山先生詩

東山先生詩

全唐詩

朱放

朱放字長通襄州人隱於越之剡溪嗣曹王臯鎮江西
辟節度叅謀貞元初召爲拾遺不就詩一卷

剡溪行却寄新別者

潺湲寒溪上自此成離別
迴首望歸人移舟逢暮雪
頻行識草樹漸老傷年髮
唯有白雲心爲向東山月

九日陪劉中丞宴昌樂寺送梁廷評

獨坐三臺妙重陽百越間
水心觀遠俗霜氣入秋山
不棄遺簪舊寧辭落帽還
仍聞西上客咫尺謁天顏

經故賀賓客鏡湖道士觀

已得歸鄉里逍遙一外臣那隨流水去不待鏡湖春雪
裏登山屐林間漉酒巾空餘道士觀誰是學仙人

送著公歸越一作皇甫曾詩

誰能愁此別到越會相逢長憶雲門寺門前千萬峰石

牀埋積雪山路倒枯松莫學白道一作衣士無人知去蹤

秣陵送客入京

秣陵春已至君去學歸鴻綠水琴聲切青袍草色同鳥

喧金谷樹花滿洛陽宮日日相思處江邊楊柳風

靈一作雲門寺贈靈一作雲上人

所思勞日一作日夕惆悵去湘一作湖東禪客知何在春山幾處

同獨行殘雪裏相見暮雲中請住東林寺彌一作窮年事遠

公

江上送別

浦邊新見柳搖時
北客相逢只自悲
惆悵空知思後會
艱難不敢料前期
行看漢月愁征戰
共折江花怨別離
向夕孤城分首處
寂寥橫笛爲君吹

歸桐廬舊居寄巖長史

一作章
八元詩

昨辭天子棹歸舟
家在桐廬憶舊丘
三月暖時花競發
兩溪分處水爭流
近聞江老傳鄉語
遙見家山減旅愁
或在醉中逢夜雪
懷賢應向剡川遊

竹

青林

一作什

何森然沈沈獨曙前
出墻同浙瀝開戶滿嬋娟

籜卷初呈粉苔侵亂上錢疎中思水過深處若山連疊
夜常栖露一作鶯清朝乍有蟬砌陰迎緩策簷翠對欹眠遊
筍雙分箭繁梢一向偏月道驚散雪風動極聞泉幽谷
添詩譜高人欲製篇蕭蕭意何恨不獨往湘川

銅雀妓

恨唱歌聲咽愁翻舞袖遲西陵日欲暮是妾斷腸時

毘陵留別

別離非一處此處最傷情白髮將春草相隨日日生

題竹林寺

歲月人間促煙霞此地多殷勤竹林寺能一作更得幾迴過

答陸澧

松葉堪爲酒春來釀幾多不辭山路遠踏雪也相過

楊子津送人

今朝楊子津忽見五溪人老病無餘事丹砂乞五斤

山中謁皇甫曾

尋源路已盡笑入白雲間不解乘輶客那知有此山

剡山夜月

一題剡溪舟行

月在沃洲山上人歸剡縣溪邊漠漠黃花覆水時時白

鷺鷥船

九日與楊凝崔淑期登江上山會有故不得往

因贈之

欲從携手登高去一到門前意已無那得更將頭上髮

學他年少插茱萸

山中聽子規

一作顧況詩

幽人自愛山中宿又近葛洪丹井西窗中有箇長松樹
半夜子規來上啼

亂後經淮陰岸

荒村古岸誰家在野水浮雲處處愁唯有河邊衰柳樹
蟬聲相送到揚州

送張山人

知君住處足風煙古寺荒村在眼前便欲移家逐君去
唯愁未有買山錢

別李季蘭

古岸新花開一枝
岸傍花下有分離
莫將羅袖拂花落
便是行人腸斷時

游石澗寺

聞道幽深石澗寺
不逢流水亦難知
莫道山僧無伴侶
獼猴一作猴猿長在古松枝

新安所居答相訪人所居蕭使君為制

謝公見我多愁疾一作病
為我開門對碧山
君若欲來看猿鳥
不須爭把桂枝攀

送魏校書

長恨江南足別離
幾迴相送復相隨
楊一作柳花撩亂撲流
水愁殺人行知不知

送温台

耿耿天涯君去時
浮雲流水自相隨
人生一世長如客
何必今朝是別離

句

愛彼雲外人
求取礪底泉
聞風吹芭蕉
拆鳥啄梧桐落

並詩

聞風吹芭蕉
拆鳥啄梧桐落

聞風吹芭蕉
拆鳥啄梧桐落

聞風吹芭蕉
拆鳥啄梧桐落

聞風吹芭蕉
拆鳥啄梧桐落

全唐詩

武元衡

武元衡字伯蒼河南緱氏人建中四年登進士第累辟使府至監察御史後改華原縣令德宗知其才召授比部員外郎歲內三遷至右司郎中尋擢御史中丞順宗立罷爲右庶子憲宗即位復前官進戶部侍郎元和二年拜門下侍郎平章事尋出爲劍南節度使八年徵還秉政早朝爲盜所害贈司徒諡忠愍臨淮集十卷今編詩二卷

古意

蜀國春與秋岷江朝夕流長波東接海萬里至揚州開

門面淮甸楚俗饒歡宴舞榭黃金梯歌樓白雲一作雪面蕩
子未言歸池塘月如練

塞下曲

草枯馬蹄輕角弓勁如石驕虜初欲來風塵暗南國走
檄召都尉星火勦羌狄吾身許報主何暇避鋒鏑白露
濕鐵衣半夜待攻擊龍沙早立功名向一作高燕然勒

獨不見

荆門一柱觀楚國三休殿環珮儼神仙輝光生顧盼春
風細腰舞明月高堂宴夢澤水連雲渚宮花似霰俄驚
白日晚始悟炎涼變別島一作川異波潮一作濤離鴻分海縣南
北斷相聞歎嗟獨不見

旬假南亭寄熊郎中

旬休屏戎事涼雨北窗眠江城一夜雨一作一夜萬里繞山

川草木散幽氣池塘鳴早蟬妍芳落春後蕊思生秋前

紅槿粲一作報庭豔綠蒲繁渚煙行歌獨謠酌坐發朱絲弦

哀玉一作生不可扣華燭一作觴徒湛然聞君樂一作東林卧郡閣曠

周旋酬對龍象侶灌一作泛注清泠泉如何無礙智猶苦病

纏牽

晨興寄贈竇使君一作晨興贈友寄呈竇使君

江陵歲方晏晨起眄庭柯白露傷紅葉清風斷綠蘿徇

時真氣索念遠懷憂一作幽懷多夙昔樂一作東山意縱橫南浦波

有美嬋娟子百慮攢雙蛾絨情鬱不舒幽行駢復羅一作幽竹

自駢

為子一作子

歌苦寒酌

一本缺

酒朱顏酖世事浮雲

一作兩

變賢修云

功名將奈何

秋日對酒

行年過始衰秋至獨先悲事往憐

一作憐

神魄感深滋涕洟

百憂紛在慮

一作百慮

一醉兀無思寶瑟拂塵匣徽音

一作清韻

凝朱絲幽圃蕙蘭氣煙窗松桂姿我乏濟時畧杖節撫

藩

一作坤

維山川大兵後牢落空城池驚沙猶振野綠草生

荒陂物變風雨順人懷天地慈春耕事秋戰戎馬去封

陞波瀾暗超忽堅白亦磷緇客有自嵩穎重徵棲隱期

丹訣學仙晚白雲歸谷遲君恩不可報霜露繞南枝

安邑里中秋懷寄高員外

原憲素非貧，嵇康自寡欲。守道識通窮，達命齊榮辱。庭
梧變葱蒨，籬菊揚芳馥。墜葉翻夕霜，高堂瞬華燭。况茲
寒夜永，復歎流年促。感物思殷勤，懷賢心躑躅。雄詞封
禪草，麗句陽春曲。高德十年兄，異才千里足。咫尺邈雪
霜，相望如瓊玉。欲識歲寒心，松筠更秋綠。

送唐次

都門去馬嘶，灞水春

一作東

流淺青槐驛路長

一作直

白日離尊

一作亭

晚望望煙景微，草色行人遠。

秋夜雨中懷友

庭空雨鳴驕，天寒鴈啼苦。青燈淡吐光，白髮悄無語。幾
年不與一作共聯牀吟，君方客吳我猶楚。一作容

望夫石

佳名一作人望夫處苔蘚封孤石萬里水連天巴江一作山暮雲

碧湘妃泣下竹成斑一作淚竹下成林子規夜啼江樹白一作水深

行路難

君不見道傍廢井傍開花原是昔年驕貴家幾度美人
來照影濯纈笑引銀瓶綆風飄雨散今奈何繡閣雕甍
綠苔多笙歌鼎沸君莫矜豪奢未必長多金休說編氓
朴無耻至竟終須合天理非故敗他却成此蘇張終作
多言鬼行路難路難不在九折灣

長相思

長相思隴雲愁單于臺上望伊州鴈書絕蟬鬢秋行人

天一一本缺二字
一作山北畔暮雨海西頭殷勤大河水東注不還流

出塞作

夙駕逾人境長驅出塞垣邊風引去騎胡沙拂征轅奏

笳山月白結陣瘴雲昏雖云風景異華夏亦喜一本缺
此二字地

理通樓煩白羽矢飛先火礮黃金甲耀奪朝暎要須灑

掃龍沙淨歸謁明光一報恩

桃源行送友

武陵川徑入幽遐中有雞犬秦人家家傍流水多桃花

桃花兩邊種來久流水一通一作
道何時有垂條落葉暗春

風夾岸芳菲至山口歲歲年年能寂寥林下青苔日爲

厚時有仙鳥來銜花曾無世人此攜手可憐不知若爲

名君往一作任從之多所更古驛荒橋平路盡崩湍怪石小
溪行相見維舟登覽處紅堤綠岸宛然成多君此去從
仙隱令人晚節悔營營

長安叙懷寄崔十五

延首直城西花飛綠草齊迢遙隔山水悵望思遊子百
轉黃鸝細雨中千條翠柳衡門裏門對長安九衢路愁
心不惜芳菲度風塵冉冉秋復春鐘鼓喧喧朝復暮漢
家宮闕在中天紫陌朝臣車馬連蕭蕭霓旌合仙仗悠
悠劍佩入爐煙李廣少時思報國終軍未遇敢論邊無
媒守儒行榮悴紛相映家甚長卿貧身多公幹病不知
身病竟如何嬾向青山眠薜蘿雞黍空多元伯惠琴書

不見子猷過超名系歲與君同自歎還隨鷁退風聞說
唐生子孫在何當一爲問窮通

兵行褒斜谷作

古地接龜沙邊風送征鴈霜明草正腓峰逼日易晏集
旅布嵌谷驅馬歷層澗岷河源涉屢蜀甸途行慣矢橐
弘室豈領軍儋爵食祿由從宦注意奏凱赴都畿速令
提兵還石坂三川頓使氣象清賣刀買犢消憂患

西亭早秋送徐員外

鼎鉉辭台座麾幢領益州曲池連月曉橫角一作簡滿城秋
有美皇華使曾同白社遊今年一作來重相見偏覺豔歌愁

送徐員外還京

一作使
還上都

九折朱輪動三巴白露生蕙蘭秋意晚關塞別魂驚寶
瑟連宵怨金罍盡醉傾旄頭星未落分手轆轤鳴

送柳郎中

一作柳侍御
一作李侍郎

裴起居

沱江水綠波喧鳥去喬柯南浦別離處東風蘭杜多長
亭春婉婉層漢路蹉跎會有歸朝日班超奈老何

八月十五酬從兄常望月有懷

坐愛圓景滿况茲秋夜長寒光生露草夕韻出風篁地
遠驚金奏天高失一作共鴈行如何北樓望不得共一作及在池塘

酬太常從兄留別

一作送太常十二兄
罷冊南詔却赴上都

鄉路日一作鳥茲始征軒行復留張騫隨漢節王濬守刀州

澤國煙花度銅梁霧雨愁別離無可奈萬恨錦江流

春日與諸公汎舟

千里雪山開沱江春水來駐帆雲縹緲吹管鶴裴回身
外流年駛尊前落景催不應歸棹遠明月一作在高臺

送兄歸洛使謁嚴司空

六歲蜀城守千莖蓬鬢絲憂心不自遣骨肉又傷離楚
峽饒雲雨巴江足夢思殷勤孔北海時節易流二字諸本缺移

同洛陽諸公餞盧起居

蕭條寒日晏悽慘別魂驚寶瑟無聲怨金囊故贈輕赤
墜方載筆油幕尚言兵暮宿青泥驛煩君淚滿纓

臺中題壁

柏臺年未老蓬鬢忽蒼蒼無事禪明主何心弄憲章雀

聲愁霰雪鴻思恨關梁會脫簪纓去故山瑤草芳

江上寄隱者

歸舟不計程江月屢虧盈靄靄滄波路悠悠離別情蒹葭連水國鼙鼓近梁城却憶沿江爽汀洲春草生

送嚴紳遊蘭溪

剡嶺窮邊海君遊別嶺西暮雲秋水闊寒雨夜猿啼地僻秦人少山多越路迷蕭蕭驅匹馬何處是蘭溪

秋思

秋室

一作空

浩煙霧風柳怨寒蛩機杼夜聲切蕙蘭芳意消

美人湘水曲桂檝洞庭遙常恐時光謝蹉跎紅豔凋

夏日別盧太卿

一作江津對雨送盧侍御

漢水清且廣江波渺復深葉舟煙雨夜之子別離心汀
草結春怨山雲連暝陰年年南北淚今占共霑襟

西亭題壁寄中書李相公

一作寄上中書李相公

昏旦倦興寢端憂力尚一作尚微廉頗不覺老蘧瑗始知非

授鉞虛三顧持衡曠萬機空餘蝴蝶夢迢遞故山歸一作

會應舟楫便
煙雨五湖歸

八月十五夜與諸公

一無此三字

錦樓望月得中字

玉輪初滿空迴出錦城東相向秦樓鏡分飛碣石鴻桂

香隨窈窕珠綴隔玲瓏不及前秋月一作見圓輝一作光鳳沼一作明

中

西一作川使宅有韋令公

一作太尉

時孔雀存焉暇日與

諸公同翫座中兼故府賓妓興嗟一作歎久之因賦

此詩用廣其意

荀令昔居此故巢留越禽動搖金翠尾飛舞碧梧一作玉池又作

撰又陰一作音上客繳堦瑟美人傷蕙心會一作知因南國使得一作歸

放海雲深

寶三君至去歲有臺中五言四韻未及酬報今

領黔南途經蜀門百里而近願言欵觀封畧間

然因追曩篇持以贈之

在昔謬司憲常僚惟有君報恩如皎日致位等青雲削

藁書難見除苛事早吟雙旌不可駐風雪路岐分

春分與諸公同宴呈陸三十四郎中

南國宴佳賓交情老倍親
月慙紅燭淚花笑白頭人
寶瑟常餘怨瓊枝不讓春
更聞歌子夜桃李豔妝新

津梁寺採新茶與幕中諸公遍賞芳香尤異因

贈題風題四韻兼呈陸郎中

靈州

一作丹

碧巖下蕙英初散芳塗塗猶宿露采采不盈筐

陰竇藏煙濕單衣染焙香
幸將調鼎味一為奏明光

元和癸巳余領蜀之七年奉詔徵還二月二十

八日清明途經百牢關因題石門洞

一作石洞門

昔佩兵符去今持相印還
天光臨井絡春物度巴山
鳥道青冥外風泉洞壑間
何慙班定遠辛苦玉門關

夕次潘山下

一作潘

山下

南國獨行日三巴春草齊漾波歸海疾危棧入雲迷錦
谷嵐煙裏刀州晚照西旅情方浩蕩蜀魄滿林啼

夏日對雨寄朱放拾遺

才非谷永傳無意謁王侯小暑金將伏微涼麥正秋
遠山欹枕見暮雨閉門愁更憶東林寺詩家第一流

早春送歐陽鍊師歸山

雙鶴五雲車初辭漢帝家人寰新甲子天路舊煙霞
羽節臨風駐霓裳逐雨斜崑崙有琪樹相憶寄瑤華

長安春望

宿雨淨煙霞春風綻百花綠楊中禁路朱戟五侯家
草色金隄晚鶯聲御柳斜無媒猶未達應共惜年華

經嚴祕校維故宅

掩淚山陽宅生涯此路窮香銷芸閣閉星落草堂空麗藻浮名裏哀聲夕照中不堪投釣一作處隣笛怨春風

秋夜寄江南舊遊

寥落九秋晚端憂時物殘隔林螢影度出禁漏聲寒愁雨洞房掩孤燈遙夜闌懷賢夢南國興盡水漫漫

送陸書

一本下有記字

還吳

君住包山下何年入帝鄉成名歸舊業歎別見秋光橘柚吳洲遠蘆花楚水長我行經此路京口向雲陽
山中月夜寄朱張二舍人

午夜更漏裏九重霄漢間月華雲闕迴秋色鳳池閑御

錦通清禁天書出暗關嵇康不求達終歲在空山

送馮諫議赴河北宣慰

漢代衣冠盛堯年雨露多恩榮辭紫禁冰雪渡黃河待
詔孤城啓宣風萬歲一作里和今宵燕分野應見使星過

夜坐聞雨寄嚴十少府

多負雲霄志生涯歲序侵風翻涼葉亂雨滴洞房深迢
遞三秋夢殷勤獨夜心懷賢不覺寐清磬發東林

資聖寺賁法師晚春茶會

虛室晝常掩心源知悟空禪庭一雨後蓮界萬花中時
節流芳暮人天此會同不知方便理何路出樊籠

慈恩寺起上人院

禪堂支許同清論道源窮起滅秋雲盡虛無夕靄空池
澄山倒影林動葉翻風他日焚香待還來禮惠聰

送魏正則擢第歸江陵

客路商山外離筵小暑前高文常獨步折桂及韶年關
國通秦限波濤隔漢川叨同會府選分手倍依然

酬韓弇歸崖見寄

惆悵人間事東山遂獨遊露凝瑤草晚魚戲石潭秋軒
冕應相待煙霞莫遽留君看仲連意功立始滄洲

河東贈別鍊師

多累有行役相逢秋節分游人甘失路野鶴亦離羣戎
馬犯邊壘天兵屯塞雲孔璋才素健羽檄定紛紛

秋日將赴江上楊弘微時任鳳翔寄詩別

寂寞兩相阻悠悠南北心
燕驚滄海遠鴻避朔雲深夜
夢江亭月離憂隴樹陰兼秋
無限思惆悵屬瑤琴

夏與熊王二秀才同宿僧院

共將纓上塵來問雪山人世
網從知累禪心自證真境
空宜入夢藤古不留春一聽
林公法靈嘉願寄身

宜陽所居白蜀葵荅詠東諸公

冉冉衆芳歇亭亭虛室前
敷榮時已背幽賞地宜偏紅
豔世方重素華徒可憐何當
君子願知不競喧妍

送寇侍御司馬之明州

斟酒上河梁驚魂去越鄉
地窮滄海闊雲入剡山長
蓮

唱蒲萄一作魚熟人煙橘柚香蘭亭應駐楫今古共風光

賀正送嚴侍御古

巴檄故人去蒼蒼楓樹林雲山千里合霧雨四時陰峽路援聲斷桃源犬吠深不須貪勝賞漢節待南侵

出塞天酬元

偶尋烏府客同醉習家池積雪初迷徑孤雲遂失期風前勞引領月下重相思何必因尊酒幽心兩自知

癸丑秋晚途次坊州界寄崔玉一作員外

崎嶇崖谷迷寒雨暮成泥征路出山頂亂雲生馬蹄望鄉程杳杳懷遠思悽悽欲識分麾重孤城萬壑西

度東徑嶺南客悲三

又過鴈門北不勝南客悲三邊上巖見雙淚望鄉垂暮
角雲中戍殘陽天際旗更看飛白羽胡馬在封陲

送李正字之

一作歸蜀

已獻甘泉賦仍登片玉科漢官新組綬蜀國舊煙蘿
劔壁秋雲斷巴江夜月多無窮別離思遙寄竹枝歌

玉泉寺與潤上人望秋山懷張少尹

山寒天降霜煙月共蒼蒼况此綠巖晚尚餘丹桂芳
禪心殊衆諸本缺此字樂人世滿秋光莫怪頻回首孤雲思帝鄉

酬崔使君寄塵尾

賢人嘉尚同今製古遺風寄我襟懷裏辭君掌握中
金聲勞振遠玉柄借談空執玩馳心處迢迢巴峽東

送鄧州潘使君赴任

川陸一都會旌旗千里舒虎符中禁授熊軾上流居橘
柚金難並池塘練不如春風行部日應駐士元車

和李中丞題故將軍林亭

帝里清和節侯家邸第春煙霏瑤草露一作路苔暗杏梁塵
城郭悲歌舊池塘麗句新年年車馬客鐘鼓樂他人

送韋侍御司議赴東都

洛京千里近離緒亦紛紛文憲芙蓉沼元方羔鴈羣河
關一作連鞏樹嵩少接秦雲獨有臨風思一作私睽攜不可

聞

送吳侍御司馬赴台州

盧耽佐郡遙川陸共一作苦迢迢風景輕一作經吳會文章變越

謠煙林繁橘柚雲海浩波潮余有靈山夢前君到石橋

送七兄赴歙州

車馬去憧憧都門聞曉鐘客程將日遠離緒與春濃流
水踰千度歸雲隔萬重玉杯傾酒盡不換慘悽容

德宗皇帝挽歌詞三首

第二首第一句缺一字

道啓軒皇聖威揚夏禹功謳歌亭育外文武盛明中日
月光連壁煙塵屏太風為人祈福處臺樹與天通

聖曆勤政瑤圖慶運長壽宮開此地仙駕緲何鄉風

斷清笳調雲愁綠旆揚上升知不恨弘濟任城一作王

嘗聞閭闔前星拱北辰籙今來大明祖輦駕橋山曲松

柏韻幽音魚龍焰寒燭歲歲秋風辭兆人歌不足

順宗至德大聖皇帝挽歌詞三首

橋山同軌會軒后葬衣冠東海風波變西陵松柏攢鼎
湖仙已去金掌露寧乾萬木泉扃月空憐鳧雁寒
容衛曉徘徊嚴城閭闔開烏號龍馭遠過密鳳聲哀崑
浪黃河注崦嵫白日頽恭聞天子孝不忍望銅臺
哀挽渭川曲空歌汾水陽夜泉愁更咽秋日慘無光纘
夏功傳啓興周業繼昌回瞻五陵上煙雨爲蒼蒼

昭德皇后挽歌詞

玉宸將遷坐金雞忽報晨珮環僊馭遠星月夜臺新劍
沒川空冷菱寒鏡不春國門一作家車馬會多是濯龍親

春晚奉陪相公

一無此四字

西亭宴集

林花

一作苑

春向闌高會重邀歡感物惜芳景放懷因綵翰

玉顏穠處並銀燭焰中看若折持相贈風光益別難

全唐詩

武元衡

送崔判官使一作還太原

勞君車馬此逡巡我與劉君本世親
兩地山河分節制十年京洛共風塵
笙歌幾處胡天月羅綺長留蜀國春
報主由來一作末由一作自應須盡敵相期一作釐萬里寶刀新

幕中諸公有觀獵之作因繼之

乃州城北劔山東甲士屯雲騎散風旌
旆遍張林嶺動豺狼驅盡塞垣空
銜蘆遠雁愁紫繳繞樹啼猿怯避弓
為報府中諸從事一作從事說燕然未勒莫論功

同幕中諸公送李侍御歸朝一作臺

昔年專席奉清朝今日持書即舊僚珠履會中簫管思
白雲歸處帝鄉遙巴江暮雨連三峽劍壁危梁上九霄
歲月不堪相送盡頽頽更被一作爲別離凋

送張六諫議歸朝

詔書前日下丹霄頭戴儒冠脫皂貂笛怨柳營煙一作花漠

漠雲愁江館雨蕭蕭鴛鴻得路爭先翥松柏一作檜凌寒一作霜

獨一作貴後凋歸去朝端如有問玉關門一作玉外老班超

酬嚴司空荆南一作州見寄

金貂再領一作三公府玉帳連封萬戶侯簾捲青山巫峽

曉煙開碧樹一作雲渚宮秋劉琨坐嘯風清塞謝眺題一作

詩月滿樓白雪調高歌不得美人南國一作陽翠蛾愁一作

顧園一作望

一本此題載二首首聯作漢家征鎮委條侯虎節龍旌居
上頌二聯作金觴曾掩胡人淚麗句初傳明月婁餘同

南徐別業早春有懷

生涯擾擾竟何成自愛深居隱姓名
遠雁臨空翻夕照殘雲帶雨過春城
花枝入戶猶含潤泉水侵階乍有聲
虛度年華不相見離腸懷土併關情

摩訶池宴

摩訶池上春光早愛水看花日日來
穠李雪開歌扇掩綠楊風動舞腰回
蕪臺事往空留恨金谷時危悟惜才
晝短欲將清夜繼西園自有月裴回

至櫟陽崇道寺聞嚴十少府趨侍

雲連萬木夕沈沈草色泉聲古院深
聞說羊車趨盛府

何言瓊樹在東林松筠自古多年契風月懷賢此夜心
惆悵送君身未達不堪搖落聽秋砧

春暮郊居寄朱舍人

幽深不讓一作謝子真居度日閑眠世事疎春水滿池新雨
霽香風入戶落花餘目隨鴻雁窮蒼翠心寄溪雲任卷
舒回首知音青瑣闥何時一爲薦相如

送溫況游蜀

遊人西去客三巴身逐孤蓬不定家山近峨眉飛暮雨
江連濯錦起朝霞雲深九折乃州遠路繞千巖劍閣斜
應到嚴君開卦處將余一爲問生涯

崔敷歎春物將謝恨不同覽時余方爲事牽束

及往尋不遇題之留贈

九陌遲遲麗景斜
禁街西訪隱淪賒
門依高柳空飛絮
身逐閑雲不在家
軒冕強來趨世路
琴尊空負賞年華
殘陽寂寞東城去
惆悵春風落盡花

秋燈對雨寄史近崔積

坐聽宮城傳晚漏
起看衰葉下寒枝
空庭綠草結離念

一作開細雨黃花贈所思
一作獨蟋蟀已驚良
一作節度菜

莫偏憶故人
期相逢
莫厭尊前醉
春去秋來自不知

春題龍門香山寺

衆香天上梵仙宮
鐘磬寥寥半碧空
清景乍開松嶺月

亂流長響石樓風
山河杳映春雲外
城闕參差茂一作曉樹

中欲盡出尋那可得三千世界本無窮

酬陸三與鄒十八侍御

城分流水郭連山拂露一作霧開懷一解顏令尹關中仙史

會河陽縣裏玉人閑共憐秋隼驚飛至久想一作報雲鴻待

侶還莫恨一作殷勤留此地東崖桂樹昔同攀

酬談校書長安秋夜對月寄諸故舊

故園千里渺遐情黃葉蕭條白露生驚鵲遶枝風滿幌
寒鐘送曉月當楹蓬山高價傳新韻槐市芳年挹盛名
莫怪孔融悲歲序五侯門館重婁卿

送田三端公還鄂州

孤雲迢遞戀滄洲勸酒梨花對白頭南陌送歸車騎合

東城怨別管弦愁青油幕裏人如玉黃鶴樓中月並鉤
君去庾公應借問馳心千里大江流

送李

一作韋

秀才赴滑州詣大夫舅

陌頭車馬去翩翩白面懷書美少年東武楊公姻婭一作好
重西州謝傅舅甥賢長亭叫月新秋雁官渡含風古樹
蟬知已滿朝留不住貴臣河上擁旌旃

金貂玉鉉奉君恩夜漏晨鐘老掖垣參決萬機空有媿

靜觀羣動亦無言杯中壯志紅顏歇林下秋聲絳葉翻
倦鳥不知歸去日青蕪白露滿郊園

南昌灘

渠江明淨峽逶迤船到名灘拽筴遲櫓竅動搖妨作夢
巴童指點笑吟詩畚餘宿麥黃山腹日背殘花白水溜
物色可憐心莫限此行都是獨行時

奉和聖製豐年多慶九日示懷

令節寰宇泰神都佳氣濃賡歌禹功盛擊壤堯年豐九
奏碧霄裏千官皇澤中南山澄一作凝黛曲水清涵空金
玉美王度歡康謠一作國風睿文垂日月永與天無窮

夏日陪馮許二侍郎與嚴祕書遊昊天觀覽舊

題寄同里楊華州中丞

一作夏日陪朝
寮同遊昊天觀

三伏草木變九城一作車馬煩碧霄迴騎射一作丹洞入桃

源臺殿雲浮棟綵纓鶴在軒莫將真破妄聊用靜持喧

石甃古苔冷水筠涼簟翻黃公壚下歎一作飲旌旆國東門

奉和聖製重陽日即事

玉燭降寒露我皇歌古大風重陽德澤展一作萬國歡娛

同綺陌擁行騎香塵凝曉空神都自藹藹佳氣助一作動葱

葱律呂陰陽一作暢景光天地通徒然被鴻霈一作無以報

玄功

秋昌臺中寄懷簡諸僚

憲府日多事秋光照碧林千雲巖翠合布石地苔深憂

悔耿遐抱塵埃緇素襟物情牽跼促友道曠招尋頽節

風霜變流年芳景侵池荷足幽氣煙竹又繁陰簪組赤

墀戀池魚滄海心滌煩滯幽賞永度一作瑤華音

奉酬淮南中書相公見寄

并序

皇帝改元之二年余與趙公同制入輔並為黃門
侍郎夏五月連拜弘文崇文大學士冬十月詔授
檢校吏部尚書兼門下侍郎彤弓茲矢出鎮西蜀
後九月趙公加大司馬之秩右弼如故龍旂虎符
出制淮海時號揚益俱為重藩左右皇都萬里何
遠公手提兵柄心匠化源芳詞况余情勤靡極質
文相映金玉鏘然蜀道之阻長楚郊之風物襟靈
所屬盡在斯矣永懷趙公歲寒交好之情因成詩
人不可方思之義聊書匪報以款遐心

揚州隋故都竹使漢名儒翊聖恩華異持衡節制殊朝

廷連受服台座接訐謨金玉裁王度丹書奉帝俞九重
辭象魏千萬握兵符鐵馬秋臨塞虹旌夜灑瀘江長梅
笛怨天遠桂輪孤浩歎煙霜曉芳期蘭蕙蕪雅言書一
札賓一作演海雁東隅歲月奔波盡音徽霧雨濡蜀江分井
絡錦浪入淮湖獨抱相思恨關山不可踰

甫一作武構西亭偶題因呈監軍及幕中諸公

瀛海無因泛崑丘豈易尋數峰聊在目一境暫清心悅
彼松柏性愛茲桃李陰列芳憑有土叢幹聚成林信矣
子牟戀歸歟尼父吟暗香蘭露滴空翠蕙樓深負鼎位
嘗忝荷戈年屢侵百城煩鞅掌九仞喜嶠嶽巴漢沂沿
禔岷峨千萬岑恩偏不敢去范蠡畏鎔金

和楊弘微春日曲江望

遲景靄悠悠傷春南陌頭
暄風一澹蕩遐思幾殷憂
龍去空仙沼鸞飛掩妓樓
芳菲餘雨露冠蓋舊公侯
朱戟千門閉黃鸝百轉愁
煙濛宮樹晚花咽石泉流
寒谷律潛應中林蘭自幽
商山將避漢晉室正藩周
黍稷聞興歎瓊瑤畏見投
君心即吾事微向一作尚在滄洲

長安秋夜懷陳京昆季

鐘鼓九衢絕出門千里同
遠情高枕夜秋思北窗空
靜見煙凝燭閑聽葉墜桐
玉壺思洞徹瓊樹憶葱籠
螢影疎簾外鴻聲暗雨中
羈愁難會面嬾慢責微躬
甲乙科攀桂圖書閣踐蓬
一瓢非可樂六翮未因風
寥落悲秋

盡蹉跎惜歲窮明朝不相見流淚菊花叢

冬日漢江南行將赴夏口途次江陵界寄裴尚

書

五部擁雙旌南依墨客卿關山迴梁甸波浪接湓城煙
景迷時候雲帆渺去程蛤珠馮月吐蘆雁觸羅鷺浦樹
凝寒晦江天湛鏡清賞心隨處愜壯志逐年輕舟楫不
可駐提封如任一作情向方曾指路射策許言兵蘭渚歇
芳意菱歌非應聲元戎武昌守羊祜幸連營

奉酬中書李相公早朝於中書候傳點偶書所

懷

寥落曙鍾斷微明煙月沈翠霞仙仗合清漏掖垣深北

極星遙拱南山闕
迴臨蘭缸竟曉燄
琪樹欲秋陰霄漢
慙聯步貂蟬媿並簪
德容溫比玉王度式如金
魚水千年運
簫韶九奏音
代天驚度日
擲地喜開襟
文武時方
泰唐虞道可尋
忝陪申及甫
清淨奉堯心

甲午歲一作秋相國李公有北園寄贈之作吟翫歷

時屢促酬答機務不暇未及報章今古遽分電

波增感留墓劔而心許感一作偶鄰笛而意傷寓哀

冥寞以廣遺韻云

機事勞西掖幽懷寄北園
鶴巢深更靜蟬噪斷猶喧
仙醞百花馥豔歌雙袖翻
碧雲詩變雅皇澤葉流根
未報雕龍贈俄傷淚劔痕
佳城關一作開白日哀挽向一作去青門禮

命公台重煙霜隴樹繁天高不可問空使輔星昏

和楊三舍人晚秋與崔二舍人張祕監苗考功
同遊昊天觀時中書寓直不得陪隨因追往年
曾與舊僚聯遊此觀紀題在壁已有淪亡書事
感懷輒以呈寄兼呈東省三給事之作楊君見

徵鄙詞因以繼和

嵒圃高秋會金閨奉詔辰朱輪天上客白石

一作日

洞中人

珮響泉聲雜朝衣羽服親九重青瑣閉三秀紫芝新化

藥秦方士偷桃漢侍臣玉笙王子駕遼鶴令威身歎逝

顏波速一作遠織詞麗曲春重將悽恨意苔壁問遺塵

酬李十一尚書西亭暇日書懷見寄十二韻之

作

鼎鉉昔云忝西南分主憂煙塵開棘道旌節護蠻陬任
重功無立力微恩未酬據鞍慙齒髮責帥懼春秋高德
聞鄭履儉居稱晏裘三刀君入夢九折我回輶時景屢
遷易茲言期退休方追故山事豈謂台堦留遐抱一作清
淨理眷言蘭杜幽一緘瓊玖贈萬里別離愁巴嶺雲外
沒蜀江天際流懷賢耿遙思相望鳳池頭

秋懷奉寄朱補闕

上苑繁霜降騷人起恨初白雲深陋巷衰草遍閑居暮
色秋煙重寒聲牖葉虛潘生秋思苦陶令世情疎已製
歸田賦猶陳諫獵書不知青瑣客投分竟何如

奉酬中書相公至日園立行事合於中書宿齋
移止於集賢院叙情見寄之什

郊廟祗嚴祀齋莊觀上玄別開金虎觀不離紫微天樹

古長楊接池清

一作深

太液連仲山方補袞

一作職

文舉自傷年

風溢

一作澀

銅壺漏香凝綺閣煙仍聞白雪唱流詠滿鶡弦

途次

一下有昭應二字

去國策羸馬勞歌行路難地崇秦制險人樂漢恩寬御
沼澄泉碧宮梨拂露丹鼎成仙馭遠龍化宿雲殘不問
三苗一作朝寵誰陪萬國歡至今松桂色長助玉樓寒

題故蔡國公主九華觀上池院

朱門臨九衢雲木藹仙居曲沼天波接層臺鳳舞餘曙

煙深碧篠香露濕紅蕖瑶瑟含風韻紗窗積翠虛秦樓
今寂寞真界竟何如不與蓬瀛異迢迢遠玉除

酬嚴維秋夜見寄

遙夜思悠悠聞鐘遠夢休亂林螢燭暗零露竹風秋
啓戶雲歸棟褰簾月上鉤昭明逢聖代羈旅別滄洲
騎省潘郎思衡闈宋玉愁神仙慙李郭詞賦謝曹劉
松柏應無變瑤瑤不可酬誰堪此時景寂寞下高樓

途次近蜀驛蒙恩賜寶刀及飛龍廐馬使還奉

寄中書李鄭二公

一作李鄭
二中書

草草事行役遲遲違一作出故關碧幃一作遙隱一作霧紅旂

漸依山感激酬一作恩淚星霜去國顏捧刀金錫字歸馬

玉連環威鳳翔雙闕征夫縱百蠻

一作龍鳳辭三署于戈護百蠻

應憐宣室

召溫樹不同攀

歸燕

春色遍芳菲閑簷雙鷺歸還同舊侶至來遶故巢飛敢
望煙霄達多慙羽翮微銜泥傍金砌拾藥到荆扉雲海
經時別雕梁長日依主人能一顧轉盼自光輝

送許著作分司東都

瑤瑟激連響征鴻翻夕陽署分刊竹簡書蠹護芸香馬
色關城曉蟬聲驛路長石渠榮正禮蘭室重元方不作
經年別離魂亦暫傷

聞相公三兄小園置宴以元衡寓直因寄上兼

呈中書三兄 一作九日致齋禁省和中書李相公

休一作齋沐限中禁家山傳勝遊露寒潘省夜木落庾園秋

蘭菊迴幽步壺觴洽一作絕舊儔位高天祿閣詞異畔牢愁

孤思琴先覺馳暉水競一作共流明朝不相見清祀在園丘

酬陸員外歙州許員外郢州二使君

吳洲雲海接楚驛夢林長符節分憂重鵝鴻去路翔鸞

歌愁翠黛寶瑟韻清商洲草遙池合春風曉旆張晉臣

多樂廣漢主識馮唐不作經年別離魂亦未傷

漸至涪州先寄王使君

治教通夷俗均輸問大田江分巴字水樹入夜即煙毒

霧舍秋氣陰巖蔽曙天路難空計日身老不由年將命

寧知遠歸心詎可傳星郎復何事出守五溪邊

石州城

丈夫心愛橫行報國知嫌命輕樓蘭徑百戰更道戍龍
城錦字寶車騎胡笳李少卿生離兩不見萬古難爲情
寒食下第

柳挂九衢絲花飄萬家雪如何憔悴人對此芳菲節

途中即事

南征復北還擾擾百年間自笑紅塵裏生涯不暫閑

春日偶作

縱橫桃李枝淡蕩春風吹美人歌白苧萬恨在蛾眉

夏夜作

夜久喧暫息池臺惟月明無因駐清景日出事還生

左掖梨花

巧笑解迎人晴雪香堪惜隨風蝶影翻誤點朝衣赤

同陳六侍御寒食遊禪定

一無定字

藏山上人院

年少輕行樂東城南陌頭與君寂寞意共作草堂遊

贈佳人

步搖金翠玉搔頭傾國傾城勝莫愁若逞仙姿遊洛浦
定知神女謝風流

休暇日中書相公致齋禁省因以寄贈

嘗聞聖主得賢臣三接能令四海春月滿禁垣齋沐夜
清吟屬和更何人

春興

揚柳陰陰細雨晴
殘花落盡見流鶯
春風一夜吹香夢

夢一作又逐春風到洛城

酬裴起居西亭留題

一作留贈

豔歌能起關山恨
紅燭偏一作遠凝寒一作邊塞
情況是池塘風

雨夜不堪絲一作弦管盡離聲

送張侍御一作司錄赴京

江南煙雨塞鴻飛
西府文章謝掾歸
相送汀州蘭棹一作杜

晚菱歌一曲
淚霑一作盈衣

鄂渚送友

雲帆淼淼巴陵渡
煙樹蒼蒼故郢城
江上梅花無數落

一作發送君南浦不勝情

送襄戡行軍

一作踐襄行
軍赴朝命

珠履三千醉不歡
玉人猶苦夜一作若欲冰寒送君偏一作空有無

言淚天一作足下關山行路難

宿青陽驛

空山搖落三秋暮
螢過疎簾月露團
寂寞銀一作孤燈愁不寐
蕭蕭風竹夜窗寒

送崔舍人起居

赤墀同拜紫泥封
駟牡連徵侍九重
惟有白鬚張司馬
不言名利尚相從

路岐重賦

芳郊欲別闌干淚故國難期聚散雲分手更逢江驛暮
馬嘶猿叫一作嘶不堪聞

重送盧三十一起居

相如擁傳有光輝何事闌干淚濕衣舊府東山餘妓在
重將歌舞送君歸

送張諱議

漢庭從事五人來回首疆場獨未回今日送君魂斷處
寒雲一作江寥落數株梅

同諸公夜讌監軍翫花之作

一作同幕府
夜宴惜花

五侯門館百花繁紅燭搖風白雪翻不似鳳皇池畔見
飄揚今隔上林園

郊居寓目偶題

晨趨禁掖暮郊園
松桂蒼蒼煙露繁
明月上時羣動息
雪峰高處正當軒

一作門

題嘉陵驛

悠悠風旆繞山川
山驛空濛雨似煙
路半嘉陵頭已白
蜀門西上更一作更上青天

送柳郎中裴起居

望鄉臺上秦人在一作去
學射山中杜魄哀
落日河橋千騎

別春風寂寞旆旌迴

秋日出遊偶作

黃花丹葉滿江城
暫愛江頭風景清
閑步欲舒山野性

貔貅不許獨行人

一作行

夏夜餞裴行軍赴朝命

三年同看錦城花
銀燭連宵照綺霞
報國從來先意氣
臨岐不用重咨嗟

摩訶池送李侍御之鳳翔

柳暗花明池上山
高樓歌酒換離顏
他時欲寄相思字

何處黃雲是隴間

一作關

送魏正則擢第歸江陵

商山路接玉山深
古木蒼然盡一作畫合陰
會府登筵君最

少江城秋至肯驚心

登闔閭古城

登高望遠自傷情
柳發花開映古城
全盛已隨流水去
黃鸝空轉舊春聲

尋三藏上人

北風吹雪暮蕭蕭
問法尋僧上界遙
臨水手持筇竹杖
逢君不語指芭蕉

山居

身依泉壑將時背
路入煙蘿得地深
終歲不知城郭事
手栽林一作松竹盡成陰

長安賊中寄題江南所居茱萸樹

手種茱萸舊井傍
幾回春露又秋霜
今來獨向秦中見
攀折無時不斷腸

春風
春齋夜雨憶郭通微

桃源在在一作未去阻風塵世事悠悠又遇春雨滴闌堦清夜

久焚香偏憶白雲人

送嚴秀才一下有赴舉二字

瀟瀟別離腸已斷江山迢遞信仍稀送君偏下臨岐淚

家在南州身未歸

春日酬熊執易南亭花發見贈

千株桃杏參差發想見花時人却愁曾一作堂忝陸機琴酒

會春亭惟願一淹留

中春亭雪夜寄西隣韓李二舍人

廣庭飛雪對愁人寒谷由來不悟春却笑山陰乘興夜

何如今日戴家鄰

立秋日與陸華原一作陸於縣界南館送鄒十八一作立

華原南館

別二客

風入昭一作泥陽池館秋片雲孤鶴一作鴻兩難留明朝獨向青

山郭唯有蟬聲催白頭

酬韋曹曹登天長寺上方見寄

青門一作山幾度霑襟淚併在東林雪外峰今日重煩相憶

處春光知一作花繞鳳池濃

陌上暮春

青青南陌柳如絲柳色鶯聲晚日遲何處最傷遊客思

春風三月落花時

春日偶作

飛花寂寂燕雙雙
南客衡門對楚江
惆悵管弦何處發
春風吹到讀書窗

春暮寄杜嘉興昆弟

柳色千家與萬家
輕風細雨落殘花
數枝瓊玉無由見
空掩柴扉度歲華

渡淮

暮濤凝雪長淮水
細雨飛梅五月天
行子不須愁夜泊
綠楊多處有人煙

與崔十五同訪裴校書不遇

梨花落盡柳花時
庭樹流鶯日過遲
幾度相思不相見

春風何處有佳期

夏日寄陸三遠陸四逢并王念八仲周

士衡兄弟舊齊名
還似昔年在洛城
聞說重門方隱相
古槐高柳夏陰清

秋原寓目

木落風高天宇開
一作曠秋原一望思悠哉
邊城今少一作足射

鷗騎連鴈噉噉何處來

贈歌人一作贈佳人

林鶯一啣四時春
蟬翼羅衣白玉人
曾逐使君歌舞地

清聲一作泉長嘯一作咽翠睂顰

同苗郎中送嚴侍御赴黔中因訪仙源之事

武陵源在朗江東流水飛花仙洞中莫問阮郎千古事
綠楊深處翠霞空

使次盤豆驛望永樂縣

一無下四字

山川不記何年別城郭應非昔所經欲駐征車終日望
天一作河雲雨晦冥冥

綴山道中口號

秋山寂寂一作秋水清寒郊木葉飛無聲王子白雲仙去
久洛濱行路夜吹笙

歲暮送舍人

邊城歲暮望鄉關身一作逐戎旌未得還欲別臨歧無限
淚故園花發寄君攀

寓興呈崔員外諸公

三月楊花飛滿空，飄飄十里雪如風。
不知何處香醪熟，願醉佳園芳樹中。

單于曉角

胡兒吹角漢城頭，月皎霜寒大漠秋。
三奏未終天便曉，何人不起望鄉愁。

汴河聞笳

一作聞角

何處金笳月裏悲，悠悠邊客夢先知。
單于城下一作關山曲，今日中原總解吹。

塞上春懷

東風河外五城宣，南客征袍滿淚痕。
愁至獨登高處望

藹然雲樹重傷魂

塞外月夜寄荆南熊侍御

南依劉表北劉琨
征戰年年簫鼓喧
雲雨一垂千萬里
長城秋月洞庭猿

單于罷戰却歸題善陽館

單于南去善陽關
身逐歸雲到處閑
曾是五年蓮府客
每聞胡虜哭陰山

韋常侍以賓客致仕同諸公題壁

孤雲永日自徘徊
巖館蒼蒼遍綠苔
望苑忽驚新詔下
綵鸞歸處玉籠開

學仙難

正殿笙歌漢帝愁
鸞龍儼駕望瀛洲
黃金化盡方士死
壽夭欲上無緣由

唐昌觀玉藥花

琪樹芊芊一作玉藥新洞宮
長閉綵霞春日暮
落英鋪地

雪獻花應過一作九天人

春曉一作聞鶯

寥寥一作蘭臺一作曉夢
驚綠林殘一作月思孤鶯
猶一作疑蜀

魄千年恨化作冤禽萬轉聲

聞嚴祕書與正字及諸客夜會因寄

衡門寥落歲陰窮
露濕莓苔葉厭風
聞道今宵阮家會
竹林明月七人同

戲贈韓二秀才

名高折桂方年少心苦爲文命未通
聞說東堂今有待飛鳴何處及春風

聞王仲周所居牡丹花發因戲贈

聞說庭^{一作亭}花發暮春長安才子看須頻
花開花落無人見借問何人是主人

酬王十八見招

王昌家直在城東落盡庭花昨夜風
高興不辭十日醉隨君走馬向新豐

贈道者^{一作贈道}

麻衣如雪一枝梅笑掩微妝入夢來
若到越溪逢越女

紅蓮池裏白蓮開

重送白將軍

紅燭芳筵惜夜分
歌樓管咽思難聞
早知怨別人間世
不下青山老白雲

和李丞題李將軍林園

落英飄藥雪紛紛
啼鳥如悲霍冠軍
逝水不迴弦管絕
玉樓迢遞鎖浮雲

同張惟送霍總

一作送崔
總赴池州

春風簫管怨津樓
三奏行人醉不留
別後相思江上岸
落花飛處杜鵑愁

贈別崔起居

三十年前會府同紅顏銷盡兩成翁別淚共將何處灑
錦江南渡足春風

春日偶題

山川百戰古刀州龍節來分聖主憂

一作三川會合古刀州
紆緘來分宵旰憂

靜

守化條無一事春風獨上望京樓

一作夕陽樓

聽歌

月上重樓絲管秋佳人夜唱古梁州滿堂誰是知音者
不惜千金與莫愁

酬韋胄曹

相逢異縣蹉跎意無復少年容易歡桃李美人攀折盡
何如松柏四時寒

同幕府夜宴惜花

芳草落花明月榭朝雲暮雨錦城春莫愁紅豔風前散
自有青蛾鏡裏人

代佳人贈張郎中

洛陽佳麗本神仙冰雪顏容桃李年心愛阮郎留不住
獨將珠淚濕紅鉛

餞裴行軍赴朝命

來時聖主假光輝心恃朝恩計日歸誰料忽成雲雨別
獨將邊淚灑戎衣

秋日經潼關感寓

昔年曾逐漢征東三授兵符百戰中力保山河嗟下世

秋風泮落故營空

李士贈歌人

仙歌靜轉玉簫催疑是流鶯梨苑來他日相思夢巫峽
莫教雲雨晦陽臺

人元知見郭侍郎題壁

後為淮

萬里楓江偶問程青苔壁上故人名悠悠身世限南北
廿別十年空復情

四首

癸巳歲

負忝

寄

芳草落花明

自有青蛾鏡裏

代佳人

臨長生空翠秋

萬里風雲雨後
雨後風雲青
上若人字欲效良

具深非時賦
賦命

莫嫌雲雨
心特朝思計日歸誰料忽成雲雨別

山如轉轉王蕭
新疑吳飛鸞
來出日休思夢巫如

漁舟人
漁關感寓

林風半落
蒼苔空
三授兵符百戰中力保山河盡下世

全唐詩

李吉甫

李吉甫字弘憲以父栖筠蔭補倉曹叅軍爲太常博士
憲宗立拜考功郎中知制誥入翰林爲學士轉中書舍
人元和二年同平章事後爲淮南節度雖居外每朝廷
得失輒以聞帝尊任之官而不名卒贈司空吉甫該洽
典故詳練故實善任賢良朝倫式序集二十卷今存詩
四首

癸巳歲吉甫園丘攝事合於中書後閣宿齋常
負忝媿移止於集賢院會門下相公以七言垂
寄亦有所酬短章絕韻不足抒意因叙所懷奉

寄相公兼呈集賢院諸學士

淮海同三入樞衡過六年

後漢至德六年任職

廟齋兢永夕書府會羣

仙粉壁連霜曙冰池對月圓歲時憂裏換鐘漏靜中傳
蓬髮顏空老松心契獨全贈言因傳說垂訓在三篇

夏夜北

一作後

園卽事寄門下武相公

結構非華宇登臨一作似古原僻殊蕭相宅蕪勝邵平園
避暑依南廡追涼在北軒煙霞霄外靜草露月中繁鵲
繞驚還止蟲吟思不喧懷君欲有贈宿昔貴忘言

九日小園獨謠贈

贈一作奉寄

門下武相公

小園休沐暇暫與故山期樹杪懸丹棗苔陰落紫梨舞
叢新菊徧繞格一作樹古藤垂受露紅蘭晚迎霜白薤肥上

公留鳳沼

詔在

冠劍侍清祠應念

命

端居者長慙補袞詩

懷伊川賦

龍門南岳盡伊原草樹人煙目所存正是北州梨棗熟
夢魂秋日到郊園

鄭綱

鄭綱字文明滎陽人擢進士宏詞初爲張延賞掌書記
入爲起居郎翰林學士累遷中書舍人憲宗立拜中書
侍郎同平章事太和中以太子少傅致仕綱少好學大
曆中有高名後踐歷華顯出入中外踰四十年守道寡
欲不爲烜赫事時推耆德集三十卷今存詩五首

奉和武相公省中宿齋酬李相公見寄

高閣安仁省名園廣武廬沐蘭朝太一種竹詠華胥禁
靜疎鐘徹庭開一作開爽韻虛洪鈞齊萬物縹帙整羣書寒
露滋新菊秋風落故蕖同懷不同賞幽意竟何如

寒夜聞霜鐘

霜鐘初應律寂寂出重林拂水宜清聽凌空散迥音春
容時未歇搖曳夜方深月下和虛籟風前聞一作聞遠砧淨
兼寒漏徹閑畏曙更侵遙想千山外泠泠何處尋

奉酬宣上人九月十五日東亭望月見贈因懷

紫閣舊遊

中年偶逐鴛鸞侶弱歲多從麋鹿羣紫閣道流今不見
紅樓禪客早曾聞松齋月朗星初散苔砌霜繁夜欲分

一覽綵牋佳句滿何人更詠惠休文

九日登高懷邵二

簪茱泛菊俯平阡飲過三杯却惘然十歲此辰同醉友
登高各處已三年

享太廟樂章

於穆時文受天明命允恭玄默化成理定出震嗣德應
乾傳聖猗歟緝熙千億流慶

句

情人共惆悵良友不同遊

紀事云綱九日有懷邵二詩又
懷林十二云云其重友如此

鄭餘慶

鄭餘慶字居業大曆中舉進士第初爲嚴震山南從事

貞元初歷庫部郎中爲翰林學士以工部侍郎知吏部
選後拜中書侍郎同平章事憲宗時爲尚書左僕射詳
定典制引韓愈李程爲副崔郾陳珮楊嗣復庾敬休爲
判官損益儀規號爲詳衷終太子太師檢校司徒集五
十卷今存詩二首

和黃門相公詔還題石門洞

黃門武元衡也

紫氛隨馬處黃閣駐車情嵌壑驚山勢周灘戀水聲

地分二蜀限關志百牢名琬琰攀酬郢微言鼎飪情

用韻重

享太廟樂章

開邸除暴時邁勛尊三元告命四極駿奔金枝翠葉輝

燭瑤琨象德億載貽慶湯孫

趙宗儒

趙宗儒字秉文鄧州穰人舉進士初授弘文館校書郎
拜左拾遺充翰林學士與父曄秘書少監同日竝命當
時榮之貞元十二年以給事中同中書門下平章事罷
相爲右庶子端居守道勤奉朝請遷吏部侍郎改尚書
前後三鎮方任八領選部歷憲穆敬文四朝以司空致
仕詩一首

和黃門武相公詔還題石門洞

益部恩輝降同榮漢相還韶芳滿歸路軒騎出重關望
日朝天闕披雲過蜀山更題風雅韻永絕翠崑間

柳公綽

柳公綽字寬京兆華原人舉賢良方正直言極諫武元
衡節度劔南與裴度俱為判官相引重召為吏部郎中
元和初進太醫歲遷御史中丞歷六鎮太和中終兵部
尚書性耿介有大臣節為文不尚浮靡所取士如許康
佐鄭朗盧簡辭崔瑀夏侯孜李拭韋長皆知名顯貴詩
三首

和武相錦樓翫月得濃字時為西川營田副使

此夜年年月偏宜此地逢近看江水淺遙辨雪山重萬
井金花一作風肅千林玉露濃不唯樓上思飛蓋亦陪從

題梓州牛頭寺

一出西城第二橋兩邊山木晚蕭蕭井花淨洗行人耳

留聽溪聲入夜潮

贈毛仙翁

桃源千里遠花洞四時春中有含真客長為不死人松
高枝葉茂鶴老羽毛新莫遣同籬槿朝榮暮化一作絕塵

張正一

張正一德宗末左補闕以上書召見王叔文之黨疑其
言已陰事令韋執誼譖之坐貶詩一首

和武相公中秋錦樓翫月得蒼字

時為西川
觀察判官

高秋今夜月皓色正蒼蒼遠水澄如練孤鴻迥帶霜旅
人方積思繁宿稍沈光朱檻叨陪賞尤宜清漏長

徐放

徐放字達夫武元衡西川從事元和九年爲衢州刺史
見韓愈徐偃王廟碑詩一首

奉和武相公中秋錦樓翫月得來字

玉露中秋夜金波碧落開鵲驚初泛濫鴻思共裴回遠
月一作日清光徧高空爽氣來此時陪永望更得上燕臺

崔備

崔備建中進士第爲西川節度使判官終工部郎中詩
六首

和武相公中秋錦樓翫月

得前字秋
字三篇

清景同千里寒光盡一年竟天多鴈過通夕少人眠照
別江樓上添愁野帳前隋侯恩未報猶有一作感夜珠圓

四時皆有月一夜獨當秋照耀初含露裴回正滿樓遙
連雪山淨迥入錦江流願以清光末年年許從遊

奉陪武相公西亭夜宴陸郎中

賓閣玳筵開通宵遞玉杯塵隨歌扇起雪逐舞衣迴剪
燭清光發添香煖氣來令君敦宿好更爲一裴回

清溪路中寄諸公

一作寄章
于二侍御

偏郡隔雲岑迴溪路更深少留攀桂樹長一作畏渴望梅林

野筍資公膳山花慰客心別來無信息可謂井瓶沈

奉酬中書相公至日園丘行亭舍於中書宿直

移止於集賢院敘情見寄之什

一作崔
曙詩

典籍開書府恩榮避鼎司郊丘資有事齋戒守無爲宿

霧蒙瓊樹餘香覆玉墀進經逢乙夜展禮值明時勲共
山河列名同竹帛垂年年佐堯舜相與致雍熙

使院憶山中道侶兼懷李約

松竹去名嶽衡茅思舊居山君水上印天女月中書舊
秩芸香在空奩藥氣餘褐衣寬易攬白髮少難梳病柳
傷摧折殘花惜掃除憶巢同倦鳥避網甚跳魚阮巷一作嵇阮
慚交絕商嵩一作求羊愧跡疎與君非宦侶何日共樵漁

蕭祐

蕭祐字祐之蘭陵人以處士徵拜拾遺元和初歷御史
中丞桂管防禦觀察使爲人閑澹貞退善鼓琴賦詩精
妙書畫遊心林壑名人高士多與之遊詩二首

奉陪武相公西亭夜晏陸郎中

時爲成元
衡幕僚

弘閣陳芳宴佳賓此會難交逢貴日重醉得少時歡舒
黛凝歌思求音足筆端一聞清佩動珠玉夜珊珊

遊石堂觀

西山高高何所如有古昔真人居嶽崖巨石自成室
其下磔礪含清虛我來斯邑訪遺迹乃遇沈生孰載籍
沈生爲政哀惻婺又能索隱探靈竒欣然向我話佳境
與我崎嶇到山頂甘瓜剖綠出寒泉碧甌浮花酌春茗
嚼瓜啜茗身清涼汗消絺綌如迎霜胡爲空山百草花
倏爾籩豆肆我旁始驚知周無小大力寡多方驗斯在
妙用騰聲冠蓋間勝遊恣意煙霞外故碑石像凡幾年

雲鬱雨霏生綠煙我知遊此多靈仙縹緲月中飛下天
 天風微微夕露委松梢颼颼曉聲起鳳去空遺簫管音
 星翻寥落銀河水勸君學道此時來結茅獨宿何遼哉
 齋心玄默感靈衛必見鸞鶴相裴回我愛崇山雙劍北
 峰如人首拄天黑俗呼為羣仙偃僕勢奔走狀若歸尊趨
 有德半巖有洞頂有池出入靈怪潛蛟螭我去不得晝
 夜思夢遊曾信南風吹南風吹我到林嶺故國不見秦
 天迥山花名藥撲地香月色泉聲洞心冷蔭松散髮逢
 異人寂莫曠然口不言道陵公遠莫能識髮短耳長誰
 獨存司農驚覺忽惆悵可惜所遊俱是妄蘊懷耿耿誰
 與言直至今來意通形神開擁傳又恨斜陽催一丘人

境尚堪戀何況海上金銀臺

王良士

王良士貞元進士爲西川劉闢幕僚闢敗應坐高崇文宥之詩二首

奉陪武相公西亭夜宴陸郎中

芳氣襲猗蘭青雲展舊歡仙來紅燭下花發綵毫端海嶽期方遠松筠歲正寒仍聞言贈處一字重琅玕

南至日隔霜仗望含元殿爐煙

一作車
綉詩

抗殿疏龍首高高接上玄節當南至日星是北辰天寶一作戟羅仙仗金爐引御煙霏微雙闕麗容曳九門連拂曙祥光滿分晴瑞色鮮一陽今在曆生植仰陶甄

獨孤實

獨孤實嘗爲武元衡鎮西川時僚吏詩一首

奉陪武相公西亭夜宴陸郎中

仙郎膺上才夜宴接三台
燭引銀河轉花連錦帳開
靜看歌扇舉不覺舞腰回
寥落東方曙無辭盡玉杯

盧士政

一作

盧士政山東人爲西川觀察支使後歷瀛鄭節度入爲太子賓客分司詩一首

奉陪武相公西亭夜宴陸郎中

華堂良宴開星使自天來
舞轉朱絲一作逐歌餘素扇回

水光凌曲檻夜色靄高臺
不在賓階末何由接上台

于敖

于敖字蹈中江南人登進士第長慶中給事中尋轉工部侍郎出為宣歙觀察使兼御史中丞詩一首

聞鶯

玉繩河漢曉縱橫萬籟潛收鶯獨鳴能將百轉清心骨
寧止閑窗夢不成

皇甫鏞

皇甫鏞字蘇卿朝那人第進士元和中為河南少尹時
兄鏞領度支聚斂旬剝天下怨恨鏞每極言不聽乃求
分司為右庶子開成初終太子少保鏞能文尤工詩什
集十八卷今存詩一首

和武相公聞鶯

華館沈沈曙境清
伯勞初轉月微明
不知台座宵吟久
猶向花窗驚夢聲

全唐詩

顏粲

顏粲登建中進士第詩二首

白露爲霜

悲秋將歲晚繁露已成霜
徧渚蘆先白露籬菊自黃
應鐘鳴遠寺擁雁度三湘
氣逼襦衣薄寒侵宵夢長
滿庭添月色拂水斂荷香
獨念蓬門下窮年在一方

吳宮教美人戰

一作吳
秘詩

有客陳兵畫功成欲霸吳
玉顏承將畧金鈿指軍符
轉佩風雲暗鳴鞞錦繡趨
雪花頻落粉香汗盡流
珠掩笑誰干令嚴刑一作師
必用誅至今孫子術一作法
猶可靜邊隅

徐敞

徐敞建中進士詩五首

月暎清淮流

遙夜淮彌淨浮空月正明
虛無含氣白凝澹暎波清
見底深還淺居高缺復盈
處柔知坎德持潔表陰精
利物功難並和光道已成
安流方利涉應鑒此時情

圓靈水鏡

浮光上東洛揚彩滿圓靈
明滅淪江水盈虛逐砌莫不
分沙岸白偏照海山清
練色臨窗牖蟾光靄戶庭
成輪疑壁影初魄類弓形
遠近凝清質娟娟一作依微出衆星

虹藏不見

迎冬小雪至應節晚虹藏玉氣徒成象星精不散光
美人初比色飛鳥罷呈祥石澗收晴影天津失彩梁
霏霏空暮雨杳杳暎殘陽舒卷應時令因知聖曆長

白露為霜

早寒青女至零露結為霜入夜飛清景凌晨積素光
駟星初晷晷葭菼復蒼蒼色冒沙灘白威加木葉黃
鮮輝襲紈扇殺氣掩干將葛屨那堪履徒令君子傷

賦得金莖露

武帝貴長生延年餌玉英銅盤貯珠露仙掌梳金莖
拂曙氛埃斂凌空沆瀣清岩堯捧瑞氣龍從出宮城
勢入浮雲聳形標霽色明大君當御宇何必去蓬瀛

張聿

張聿建中進士詩五首

圓靈水鏡

鳳池開月鏡清瑩寫寥天影散微波上光含片玉懸菱
花凝泛豔桂樹暎清鮮樂廣披雲日山濤卷霧年濯纓
何處去鑿物自堪妍回首看雲液蟾蜍勢正圓

景風扇物

何處青蘋末呈祥起遠空曉來搖草樹輕度淨塵蒙

一作

輕去動

水上微波動林前媚景通寥天鳴萬籟蘭徑長幽

藜漸颺搏扶勢應從橐籥功開襟若有日願覩大王風

劍化為龍

古劍誠難屈，精明有所從。
沈埋方出獄，合會却成龍。
斗光初歇，蜿蜒氣漸濃。
雲濤透百丈，水府躍千重。
拖尾迷蓮铘，張鱗露錦容。
至今沙岸下，誰得覩玄蹤。

餘瑞麥

瑞麥生堯日，芄芃雨露偏。
兩岐分更合，異畝穎仍連。
冀獲明王慶，寧唯太守賢。
仁風吹靡靡，甘雨長芊芊。
聖德應多稔，皇家配有年。
已聞天下泰，誰爲濟西田。

賦得夏首猶清和

一作黎逢詩

早夏宜春景，和光起禁城。
祝融將御節，炎帝啓朱明。
日送殘花晚，風過御苑清。
郊原浮麥氣，池沼發荷英。
樹影臨山動，禽飛入漢輕。
幸逢堯禹化，全勝谷中情。

魏信陵

魏信陵貞元元年進士第爲舒州望江令有惠政詩一
卷今存六首

移居洞庭

重林將疊嶂此處可逃秦水隔人間世花開洞裏春荷
鋤分地利縱酒樂天真萬事更何有吾今已外身

吳門送客

亂山吳苑外臨水讓王祠素是傷情處春非送客時不
須愁落日且願駐青絲千里會應到一尊誰共持

長安道

朱門映綠楊雙闕抵通莊玉珮聲逾遠紅塵猶自香

出自賊中謁恒上人

再拜吾師喜復悲
誓心從此永歸依
浮生恍惚若真夢
何事于中有是非

過真律師舊院

寂然秋院閉秋光
過客閑來禮影堂
堅冰銷盡還成水
本自無形何足傷

真僧相勸外浮華
萬法無常可歎嗟
但試尋思階下樹
何人種此我看花

臺笠冒山雨
渚田耕荇花

見石林燕詩

魏信陵

張正元

王履貞

四

張正元

張正元登貞元五年進士第詩二首

冬日可愛

一作陳
諷詩

寒日臨清晝
遼天一望時
未消埋徑雪
先暖讀書帷
屬思光難駐
舒情影若遺
晉臣曾比德
謝客昔言詩
散彩寧偏煦

一作照

流陰信不追
餘輝如可就
迴燭幸無私

臨川羨魚

有客百愁侵
求魚正在今
廣川何渺漫
高岸幾登臨
風水寧相阻
煙霞豈憚深
不應同逐鹿
詎肯比從禽
結網非無力
忘筌自有心
永存芳餌在
佇立思沈沈

王履貞

王履貞貞元七年登第詩一首

青雲干呂

異方占瑞氣干呂見青雲表聖興中國來王謁大君迎
祥殊大樂叶慶類橫汾自感一作是明時起非因一作將觸石分
暎霄難辨色從吹乍成文須使流千載垂芳在典墳

彭伉

彭伉宜春人貞元七年登進士第官評事詩三首

青雲干呂

祥輝上干呂郁郁又紛紛遠示無爲化將明至道君勢
凝千里靜色向九霄分已見從龍意寧知觸石文狀煙
殊散漫捧日更氛氳自使來賓國西瞻仰瑞雲

聖布中區化祥符異域雲含春初應呂暈碧已成文東
起隨風暖西流共日曛升時嘉異月為慶等凝汾輕與
晴煙比高將曉霧分飄飄如可致願此翊明君

前首見文苑英華此

首見唐詩紀事並存之

寄妻

莫訝相如獻賦遲錦書誰道淚沾衣不須化作山頭石
待我堂前折桂枝

林藻

林藻字緯乾莆陽人貞元七年進士第官嶺南節度副
使詩一卷今存三首

青雲干呂

一作吳必詩

應節偏于呂亭亭在紫氛綴空一作雲初布一作度影捧日已成

文結蓋祥光迴為樓一作峯翠色分還同起封上更似出橫

汾作瑞來籓國呈形表聖君裴回如有託一作知誰道比

閑雲

吳宮教戰一作葉李長詩

強吳矜霸畧講武在深宮盡出嬌娥輩先觀上將風揮

戈羅袖卷擐甲汗裝紅輕一作掩笑分旗下含羞入隊中鼓

停行未整刑舉令方崇自可威隣國何勞騁戰功

梨嶺見閩南唐雅

曾向嶺頭題姓字不穿楊葉不言歸弟兄各折一枝桂

還向嶺頭聯影飛

李觀

李觀字元賓趙州人貞元八年進士宏辭擢第授太子校書郎集三卷詩四首

未贈馮宿

寒戍上秦原遊子衣一作意飄飄黑雲截萬里獵火從中燒
陰空蒸長煙殺氣獨不銷冰交石可裂風疾山如搖時
無青松心顧我獨不凋

宿裴友書齋

臥君山窗下山鳥與我言清風何颼颼松栢中夜繁久
遊失歸趣宿此似故園林煙橫近郊谿月落古原穉子
不待曉花間出柴門

御溝新柳

御溝迴廣陌芳柳對行人翠色枝枝滿年光樹樹新畏
逢攀折客愁見別離辰近暎章臺騎遙分禁苑春嫩陰
初覆水高影漸離塵莫入胡兒笛還令淚溼巾

試中和節詔賜公卿尺詩

淑節韶光媚皇明寵錫崇具寮頒玉尺成器幸良工豈
止尋常用將傳度量同人何不取利物亦賴其功紫翰
宣殊造丹誠厲匪躬奉之無失墜恩澤自天中

李絳

李絳字深之贊皇人登宏詞科授秘書省校書郎貞元
末拜監察御史元和中以本官充翰林學士改中書舍

人尋拜中書侍郎輔政多所匡益以疾求罷出爲河中
觀察使改充海節度使寶曆初入爲尚書左僕射李逢
吉惡之罷爲太子少師分司東都文宗即位徵爲太常
卿復出爲山南西道節度使兵亂遇害集二十二卷今
存詩二首

省試恩賜耆老布帛

一作崔
宗詩

渙汗中天發殊私海外存衰顏逢聖代華髮受皇恩燭
物明堯日垂衣闢禹門惜時悲落景賜帛慰餘魂厚澤
沾翔泳微生保子孫盛明今尚齒歡奉九衢樽

和裴相國荅張秘書贈馬詩

高才名價欲凌雲上駟光華遠贈君念舊露垂丞相簡

感知星動客卿文縱橫逸氣寧稱力馳騁長途定出羣
伏櫪莫令空度歲黃金結束取功勳

崔樞

崔樞順宗朝歷中書舍人充東宮侍讀終秘書監詩

首

賜耆老布帛

一作張復元詩

殊私及耆老聖德賑黎元布帛忻天賜生涯作主恩情
均皆挾纊禮異賁丘園慶洽時方泰仁沾月告存寧知
酬雨露空識荷乾坤擊壤將何幸衰回望九門

齊優開籠飛去所獻楚王鵠

受命籠齊鵠交歡獻楚王惠心先巧辯戢羽見迴翔意

全唐詩 李正辭
適清風遠憂除白日長度雲搖舊影過樹閱新芳直取
名翻重寧唯好不傷誰言滑稽理千載戒禽荒

陸復禮

陸復禮貞元八年宏詞第一人詩一首

試中和節詔賜公卿尺詩

春仲令初吉歡娛樂大中皇恩貞百度寶尺賜羣公欲
使方隅法還令規矩同捧觀珍質麗拜受聖恩崇如荷
丘山重思酬方一作分寸功從茲度天地與國慶無窮

李正辭

李正辭貞元八年進士第憲宗時自拾遺轉補闕詩

首

賦得白雲起封中

一作陳希烈詩

千年泰山頂雲翹漢皇封不作奇峯狀寧分觸石容爲
霖雖易得表聖自難逢冉冉排空上依依疊影重素光
非曳練靈旣是從龍豈學無心出東西任所從

張嗣初

張嗣初貞元八年進士詩二首

尚書詩二首

賦得白雲起封中

一作許康佐詩

英英白雲起呈瑞出封中表聖寧因地逢時豈待風浮
光彌皎潔流影更忽冲融自叶堯年美誰云漢日同金
泥光乍掩玉檢氣潛通欲與非煙並亭亭不散空

春色滿皇州

李正辭

張嗣初

許康佐

九

何處年華好皇州淑氣勻韶陽潛應律草木暗迎春柳
變金堤畔蘭抽曲水濱輕黃垂輦道微綠映天津麗景
浮丹闕晴光擁紫宸不知幽遠地今日幾枝新

許康佐

許康佐貞元中舉進士宏辭累遷中書舍人翰林學士
與王起俱爲文宗寵禮終禮部尚書詩二首

日暮碧雲台

日際愁陰生天涯暮雲碧重重不辨蓋沈沈乍如積林
色黯疑暝隙光俄已夕出岫且從龍縈空寧觸石餘輝
澹瑤草浮影凝騎席時景詎能留幾思輕尺壁

白雲起封中

一作張
詞切詩

英英白雲起呈瑞出封中表聖寧依地逢時豈待風浮
輝彌皎潔流影更冲融自叶堯天美誰言漢日同泥金
光乍掩檢玉氣俄通猶願非煙瑞亭亭不散空

許堯佐

許堯佐康佐之弟擢進士第為太子校書郎終諫議大
夫詩一首

石季倫金谷園

一本題作金谷懷古

石氏遺文在淒涼見故園輕一作清風思奏樂衰草憶一作念行

軒舞榭蒼一作荒苔掩歌臺落葉繁斷雲歸舊壑流水咽新

源曲沼殘煙斂叢篁宿鳥喧唯餘池上月猶似對金尊

李君房

一作芳

許康佐 許堯佐

李君房貞元間人詩一首

石季倫金谷一本有故字園

梓澤風流地淒涼跡尚存殘芳迷妓女衰草憶王孫舞
態隨人謝歌聲寄鳥言池平森灌木月落弔空園流水
悲難駐浮雲影自翻賓階餘蘚石車馬詎喧喧

杜羔

杜羔洹水人貞元初及進士第後歷振武節度使以工
部尚書致仕詩一首

享惠昭太子廟樂章登歌

因心克孝位震遺芬賓天道茂軫懷氣分發祇乃祀咳
歎如聞二歌斯升以詠德薰

車鈞

車鈞貞元進士詩一首

南至日隔仗望含元殿香鑪

一作王良工詩

抗殿疏元首高高接上元節當南至日星是北辰天寶
戟羅仙仗金鑪引瑞煙霏微雙闕麗浴曳九州連拂曙
祥光滿分晴曉色鮮一陽今在曆生植願陶甄